

اوپنات گمرومینه مجله

هفته لقی سیاسی ، ادبی ، علمی غزته در

جلد : ۳

سنه : ۲ ۲۷ ربیع الاخر ۱۳۳۶ جمعه ایرتسی ۹ شیاط ۱۹۱۸ نومرو ۲۳ — ۵۴

مناظره و اسلامیت

مناظره به مراجعت صورتیله جل مسائل عالم اسلامیتده اصحاب کرامک زمانلرندن اعتباراً باشلامشدر . جده نک ، اخوه نک اولاد امک توریثی وشارب خمر حقنده حدشرعی اجراسی وکیجه لری خانه سنه کیزلیجه برطاقم کسانى قبول ایتمکده اولدینی خبر ویریلان برقادین حقنده بالذات ترصدایدرك بو یوزدن مذبوره نک حامله اولدینی جنینک سقوطنه سیبیت ویرمش اولسندن وبوصورت معامله اصحاب کرامجه « ولاتجسسوا الخ » آیت کریمه سیله قابل تألیف کورلمدیکنندن ناشی حضرت عمرک جنینک دیتی ایله محکوم ایدلسی کی برطاقم مسائل هپ اصول مشورت و مناظره به مراجعت صورتیله نتیجه حله اقران ایتیش مهم امور شرعیه دندر .

معلوم اولدینی اوزره عصر سعادتده بین المسلمین تحدث ایدن اختلافات و منازعات احکام قرآنییه ویا وحی الهیه ویا اجتهاد عالی جناب پیغمبرییه توفیقاً فصل ورؤیت اولنوردی سده ارتحال نبویدن صوکره بو وظیفه مهمه امضای قضایه مأمور بیورلمش اولان اصحاب کرامه تودیع بیوریلهرق مشار الیهم حضراتی ایسه احکام قرآنییه ایله سن سنیه اقتدا واتباع ایتیش ونصه اقران ایتامش اولان خصوصاتده دخی اجتهاد ذاتیلریله عمل ایتمکه مجبور قالمشردی . مشکات نبوتدن بالذات اقتباس فیض و معرفت ایتیش و بناء علیه او قرنی تعقیب ایدن قرون اخیره رجالی کی غیرک معلوماتنه مراجعت احتیاجندن و اوسته بولنش اولان ذوات مشارالیهک اجتهاداتنده اختلافه تصادف اولنه بیلیرسه ده جمله سنک یگانه مقصدی حقه اظهاری ایله حقانیتک محافظه سی نقطه سندن عبارت بولندیغی جهته هر مسئله نی کال انتظام وجدیتله موقع مناظره به وضع وبوصورتله اسلامیتک تعاینه تعلق ایدن اسبابک تطبیقنه مسارعت ایدرلردی . کرچه خلفای راشدین حضراتک دورندن صوکره چوق زمان کچه دن مسند خلافت بعض ایجابات زمانیه به مبنی علوم دینییه انتسابی اولیان بعض ذواته توجیه اولنش ایسه ده اشراف قایمین

اولوم ایله خیااتک به توفنک وجودنده مجادله ایتدیکی بوساعتلرده یاندیغی اوطه نك قپوسی آچدی .
 بو زائر نا کهظهور هومبل ایدی ، اسکی یکانه دوستی هومبل که به توفن اونی طارلتش اولدیغندن
 اوزون مدتدنبری یوزینی کورمه مشدی . اوکا کلنجه ، اسکی ارقداشک خسته اولدیغنی خبر آیر الماز
 معاوننده بولمق اوزره قوشمشدی فقط هیات ، ارتق هرشی بیتشدی : به توفن قونوشامایوردی !
 شکران ایله طولو برنظر!.. ایشه هومبلک خسته ارقداشندن فائل اوله بیلدیکی از اثر آشنائی ! ..
 هومبل یتاغه طوغرو اینکیله رک برورو ایله اونی بو حالده کوردیکندن وبویله بویوک بردها نك افول
 ایتک اوزره بولندیغندن متولد تأ ثرلینی کوچ حال ایله افهام ایده بیلدی .

زوایی صنعتکار بوسوزلره یکیدن حیات بولیور کیدی ؛ بویوک بر جهدا یله کوزلرینی آچدی و :
 — صحیح ، بن بردهایه مالکدم دکلی هومبل ؟.. دیه بیلدی .

بوبرقاچ کله فیده لیئو بسته کارشپرینک صوک سوزلری اولدی ؛ کوزلری ثابت ، آغزی یاری آچیق ،
 حیات بومستشا دهای الی یدی . سنه تمیل ایدن وجودی اولومه ترک ایدم رک اوندن اوزاقلاشدی ،

اوزاقلاشدی ...

۲۲ کانون اول ۳۴۳

محسن نعیم

عثمانیلرک اوروپاده کی مستملکاتی

— (افلاق و بغداد) —

[فقره . مخصوصه سنده افلاق و بغداد و روماتیا عرقیله مسکون ممالکک نقطه عثمانیه نظردن
 تاریخیچه سنی تزییر ایتش ایدک . کذلک عربستانکده احوال تاریخیچه سی بر فقرده بیان ایدلشدی .
 آتیده کی جمله لرده ایسه یالکز ممالک مذ کورده نك ، بولغارستانک و سائر حوالینک جغرافیای تاریخیسنندن
 بحث ایدیله جکدر .]

طونه آياقلى افلاق و بغداد حوضه لرینی ترکیب ایدر . افلاق آياقلى جبال منبهدن چيقار ،
 درین دربندلردن کچر . بغداد آياقلى ایسه دها آز یوکسک طاغلردن نبعان ایدر . هرايکی اقليم بو
 جبال ومياه سایه سنده فوق العاده بر قوه انباتیه نی حائر ایسه ده پرنس قارواک قعودینه قدر محاربات
 متوالیه دن طولانی بر شورمه زار منظره سی ارئه ایتکده ایدی .

طونه نك صول آياقلى شونلردر : ۱ - « شیل » Chyl قراپوا جوارندن کچر . بو شهر
 وقتیه مستقل بر . « بان » لغک مقری ایدی . و دیندن بکرشه منتهی یول ایله سائر قاربات طریقلى
 اوزرنده کاشدر . بورالری ۱۸۲۸ محاربه سنده و آندن صکرده فوق العاده تخریب ایدلشدی .
 قریب محاربه سی اثناسنده بو کوزل ممالک چول حالنه منقلب اولشدی . ۲ - « آلتوتا » Alouta
 Altو ؛ Alt قارباتلرده پیدا اولور . قرق کیلومترو امتدادنده اولان « شورول »

طاغی و کچیدی بودرہ ایلہ قطع ایدیلور . افلاق ایلہ اردل ویا بکرش ایلہ « ہرمان شتاد » Hermannstadt آرمسندہ کی « قمری قلعہ » Rothen - Thurn یولی بو کچیددر . بو نہر کوچک و بیوک افلاق حد فاصلیدر . ۱۷۸۹ ، ۱۸۲۸ محاربہ لری اثناسندہ بو درہ نک جانبیندہ مهم حرکات عسکرہ وقوعبولشندی . ۳ - « وودہ آ » Vedeia کذلک بو نہر کدہ حوضہ سی قریم محاربہ سندہ خراب و بیاب اولشدی . ۴ - « آدریش » = « آرکس » = Argis Ardich قارپاتلردن نیان ایدر . بکرش بو آفاق اوزرندہ مینیدر . قدیم روسیہ ایلہ استانبول کچیدی اوزرندہ کاش اولدیغندن تجارتی زیادہ ایدی . شمدی ایسہ یکی بر حکومتک مقری بولند . یغندن اہمیت اقتصادیہ سی یک بیومشدر . بو قصبہ - کہ روسجق و سلسترہ عینی مسافہ دہدر - افلاق تام کوبکنندہ بولندیغندن طونہ نک صاغ ساحلی تہدید ایتمک ایستہن بر اردو ایچون مستثنای بر نقطہ تحشددر . ۵ - « یالومنیچا » Yalmonitza قدیم افلاق غوسپودارلینک قرارگاہی اولان « تورغوویچ » Turgovitz دن کچر . ۶ - « سہرمت » Sereth کذا قارپاتلردن کلیر . « بوقوینا » پی اسقا واورادن بغدادہ بالورور « رومان » Roman شہیرینی زیارت وبر قاج اوفق آفاق ایلہ پیدای التصاق ایدر . عاقبت « غلاص » ک یانندہ طونہ یہ دوکولور . شمالدن کلن ہر اردو بو درہ دن ، خصوصیلہ اہمیت پیدا ایدن صوک قسمندن کچمشدر . بو نک اوزرندہ مواقع مستحکمہ بولندیغندن عابر اردولر ایچون مانع تشکیل ایتمہ مشدر . ۷ - « پروت » Pruth قارپاتلردہ « چورنا » Czorna طاغندن چقار . بوقوینا نک مقری اولان « چرنوویچ » دن کچر . نہر قسماً سفائنک سیرینہ مساعددر . « یاش » SSV - بغداد نک مقری - دن کچر . « بالکی » آغای بو درہ یہ منصب اولور . احکام ایدلیان روسلرک یاش شہری ہر وقت پامالی اولمشدی . « پروت » نہری « ہوش » Huch ک قربندن کچر . بیوک پترو ایلہ بالطہ جی محمد باشا نک محاربہ سی (۱۷۱۱) اورادہ وقوعبولشدی . پروت بر چوق بوش (وقتیلہ بوش) اوپہلردن کچدکن صکرہ ترکلر ایلہ روسلرک حکومتہ حد فاصل اولان « رنی » Reni دہ نہایت بولور . بو سواخلہ متعدد محاربات اولش . ۱۸۱۱ دن بری روسیہ ایلہ عثمانلی - بغداد حدودی اورادن کسیلوردی . آندن اون « طورلہ » Dniester - قدیم تیراس : Tyra - حد فاصل ایدی . بو نہر ، سابقا صعب المرور اولق و مواقع مستحکمہ پی محتوی بولمقلہ مشہوردی .

« اوروغرافیا » - جبال شناسی - اعتباریلہ طونہ نک صولندہ کی مواقع مرتفعہ شیونلردر : اولاً - « شرقی قارپاتلر » . « ویستولہ » Vistula منابعدن « اورشووہ » دربنندہ قدر کیدر . مجارستانی فاصلدر . صعب المرور ایسہ دہ اورتہ لرنندہ کچیدلری دہ واردر . اردل یایلاسنندن چیقان درہلر بو کچیدلردن شرقہ طوغری فرجہ یاب خروج اولورلر . بو جبال منیعہ دنیا نک اک طبیعی استحکاملردن بریدر . قارپات ماثلہ لری ایلہ طونہ یہ منہی ممالکہ بورادن حکم اولنور . [مابعدی وار]

مہرل نوری

(آتی) مطبعہ سی

مدیر [کریدی احمد ساقی]